



Inatsisartunut ilaasortaq Mariane Paviasen, Inuit Ataqatigiit

Maani

§ 37 naapertorlugu apeqqummut 2023-150-imut akissut.

Allakkat ulluat: 08-11-2023
Suliap nr. 2023 - 26152

Matumuuna § 37 naapertorlugu apeqquteqaammut matuma siuliani taaneqartumut akissut nassiunneqarpoq.

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqquut 1

Tjenestemandit utoqqalinersiuteqalereernermik kingorna utoqqalinersiaqarnermik saniatigut sulinikkut isertitaqalaaraangamik SISA-mut, allanullu utoqqalernersianik katersiviusunut, utoqqalinersiaqalernissamut katersisussaataitanerat ajornartorsiutaasutut Naalakkersuisunit isigineqarpa?

A) Taamaasimappat Naalakkersuisut qanoq iliuseqarniarpat?

B) Taamaangippat suna patsisaava??

Akissut:

Innuttaasut 18-ileereernerminni ukiup tulliani ulloq 1. januaari aallarnerfigalugu soraarnerussutisiassanut aaqqissuussaminnut akiliisarlutik aallartittussaapput. Akiliisussaataitaneq pineqartup soraarnerussutisialittut ukioqalernissaa ukiunik 4-nik sioqqullugu ulloq 31. decembari atorunnaartussaavoq. Ullumikkut 67-inik ukioqalernermi soraarnerussutisiaqalertoqarsinnaavoq, takuuk utoqqalinersiutit pillugit Inatsisartut inatsisaanni § 1, imm. 1.

Tamanna isumaqarpoq, innuttaasooq assersuutigalugu 2027-mi 67-inik ukioqalertussaappat, soraarnerussutisiassanut ileqqaakkanik akiliinissamut pisussaaffeqarneq 1. januar 2023-mit atorunnaartussaavoq. Imaluunniit allatut oqaatigalugu, innuttaasooq 63-inik ukioqalernermit soraarnerussutisiassanut aaqqissuussinermut akiliisariaqarunnaassaaq.

Tjenestemandit aallaaviatigut 60-inik ukioqalernerminni soraarninngorsinnaapput.

Taamaalilluni apeqqut innuttaasunut 60-it aamma 62-it akornanni ukiulinnut, tjenestemandit atorfimmit soraarninngorsimasunut, aammalu ukiup tulliani aatsaat 63-inik ukioqalertussanut, tunngassuteqarpoq.

Soraarnerussutisiassanut aaqqissuussinermi ileqqaartussaataitanermut tunngaviusunik naatsorsuinnermi ilaatinneqanngitsut arlallit atuupput. Ilaatinneqanngitsut ilaat tassaavoq soraarnerussutisiat tjenestemandinut

tunniunneqartartut. Tjenestemandi assersuutigalugu tjenestemanditut soraarnerussutisianik 150.000 koruuninik tigusaqartarpat, taakkua aningaasartai ileqqaarnissamut tunngaviusunik naatsorsuinermi ilanngunneqassanngillat.

Innuttaasup ileqqaarnissamut tunngavissai, innuttaasup soraarnerussutisiassanut ileqqaarnermut akiliinissamik pisussaaffeqalinnginnerani, minnerpaamik 125.000 koruuninik annertussuseqartussaapput. 125.000 koruunit aamma 175.000 koruunit akornanniipata, akiliisussaataanerup annertussusaa qaffassaaq. 175.000 koruuninik amerlanerusunilluunniit isertitaqartarnermi innuttaasoq akiligassamik tamakkiisumik akiliisussanngussaaq. 2024-mi akiligassaq aningaasarsianit isertitat 8 procentiannik aammalu namminersorluni inuussutissarsiorluni suliaqarnermit sinneqartoorutit 6 procentiannik annertussuseqarpoq.

Assersuut

Tjenestemanditut soraarnerussutisiaqartup 61-inik ukiullip 2024-mi tigussavai:

Tjenestemanditut soraarnerussutisiat	150.000 kr.
Aningaasarsianit isertitat	150.000 kr.
Aalisarnermit sinneqartoorutit	50.000 kr.

Ileqqaarnissamut tunngaviusut aningaasarsiat	150.000 kr.
Ileqqaarnissamut tunngaviusut aalisarneq	50.000 kr.

Ileqqaarnissamut pisussaaffik:

Aningaasarsiat 150.000 x (8 pct./2)	6.000 kr.
Aalisarnermit sinneqartoorutit	<u>0 kr.</u>
Akileraaruteqannginnermi kisianni soraarnerussutisianut ileqqaareernermit isertitat	344.000 kr.

Innuttaasut SISA-mut imaluunniit allanut danskit imaluunniit kalaallit soraarnerussutisianut aqqissuussinerinut akiliissasut, soraarnerussutisiaqarnissamut aqqissuussinermit pinngitsoorani ilaanissaq pillugu Inatsisartut inatsisaanni piumasaqaatigineqanngilaq. Innuttaasut danskit soraarnerussutisiassanut aningaasaateqarfianut, kalaallit soraarnerussutisiassanut aningaasaateqarfianut imaluunniit Kalaallit Nunaanni aningaaserivimmi soraarnerussutisiassanut aqqissuussinermit akiliisarnissaq piumanerunerlugu, nammineerlutik aalajangersinnaavaat.

Innuttaasup ileqqaartussaataitanini naammassisimangippagu, aningaasartai 4.000 koruuninut annertunerusimappata, pineqartoq soraarnerussutisiassanut aqqissuussinermit amigaataasut akileqqullugit Akileraartarnermut Aqutsisoqarfimmiit piumaffiginninnermik tigusaqartussaavoq. Innuttaasup Akileraartarnermut Aqutsisoqarfiup piumaffiginninnera qisuariarfiginngippagu, aningaasat amigaatigineqartut innuttaasup akileraarnissaanut akileraarutinut procentiliussap qaffanneqarneratigut akilersinniarneqartussaapput. Aningaasat taakkua Akileraartarnermut Aqutsisoqarfiup tassanngaaniit tigusai,

Akilerartarnermut Aqutsisoqarfiup innuttaasoq taamaattoqartoq ilisimappagu, innuttaasup soraarnerussutisiassanut aaqqissuussineranut akilerneqartussaapput. Akilerartarnermut Aqutsisoqarfiup innuttaasup soraarnerussutisiassanut aaqqissuussimasoq ilisimangippagu, Akilerartarnermut Aqutsisoqarfiup akilersinneqartut SISA-mi soraarnerussutisiassanut aaqqissuussinermut nuussavai, tassani peqatigisaanik innuttaasumut soraarnerussutisiassanut aaqqissuussineq pilersinneqassalluni

Naalackersuisut paasinninnerat malillugu soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni maleruagassat, innuttaasut tamarmik soraarninngornissaminnut ileqqaarnissamut periarfissaqarnissaasa qulakkeernissaata aammalu taakkua peqatigisaanik ulluinnarni naapertuuttumik aningaasaqarnissaasa mianerineqarnissaata akornanni oqimaaqatigiissitsiniarnerusut.

Maannakkut maleruagassat eqqortumik oqimaaqatigiissitsinissamut naapertuunnersut, soraarnerussutisiaqarnissamut aaqqissuussinermut pinngitsoorani ilaanissap naliliivigineqarneranut, UKA 2023/117-imi Inatsisartut akuerisaanut, atatillugu misissorneqassaaq. Naliliinermi soraarnerussutisiaqarnissamut aaqqissuussinermut pinngitsoorani ilaanissap aningaasaqarnerup attanneqarsinnaaneranumut pingaaruteqarnera ilaatinneqassaaq aammalu soraarnerussutisiaqarnissamut aaqqissuussinermut pinngitsoorani ilaanissamut akiliisussaatitaanerup sunniutigisaanik akissaatikinnerusut atugaat nassuiarneqartussaallutik. Tamatuma saniatigut naliliinermi soraarnerussutisiaqarnissamut ileqqaarnermut pinngitsoorani ilaanissaq naapertuunnerusumik allaffissornikkut aqunneqarsinnaanersoq nalilersorneqartussaavoq. Naliliineq UPA2024-p ingerlanerani tamanut saqqummiunneqassaaq Inatsisartunullu agguanneqassalluni.

Naliliinissaq taanna qilanaaraara neriuutigalugulu siunissami soraarnerussutisiaqarnissamut aaqqissuussinermut pinngitsoorani ilaanissap aaqqissuunneqarnera pillugu oqalliluarnissamut tunngavissaliissasoq.

Apeqquut 2.

Pinngitsaalissummik soraarnerussutisiassanik katersisussaatitaasut ukiumut 125.000kr. sinnerlugit isertitaqaraangata tjestemanditut utoqqalinersiallit akileeqqeqqullugit piumaffigineqartarsimanerat pissusissamisoorpa?

A) Taamaangippat katersititaasimasut qanoq iliussappat?

Akissut:

Apeqqummut 1-imut akissut innersuutigineqarpoq

Apeqquut 3.

Soraarninngornermi allagartaq uppersaasaat kommunit tunniuttagaat tjenestemandinut, assersuutigalugu ilinniartitsisuusimasunut, 60-iliillutik soraarninngortunut tunniunneqarsinnaannginnami?

A) Uppersaasaat tunniunneqarsinnaangippat suna pissutaava?

B) Taamaattussaasimappat soraarninngorsimanermut uppersaammik tuniunneqarsinnaangippat qanoq iliussappat?

Akissut:

Aningaasaqarnermut Akileraartarnermullu Naalackersuisoqarfiup soraarninngornermi allagartamik uppersaammik tunniussisarnissaq pillugu maleruagassat nassaariniarsarigaluarpai.

Inatsisartut inatsisaanni imaluunniit nalunaarutini maleruagassanik, soraarninngornermi allagartamik uppersaammik imaluunniit soraarninngorsimanermut uppersaatinik tunniussisarnermut tunngassutilinnik, nassaarnissaq Naalackersuisoqarfiup iluatsinngilaa.

Taamaattoq Naalackersuisoqarfiup ilisimavaa kommunit namminneerlutik soraarninngornermut allagartamik uppersaammik tunniussisarsimasut. Taakkua ilisimaneqartut malillugit Namminersorlutik Oqartussat akuutinngit sullissinermi iliussissatut tunniunneqartarsimapput. Taamaattumik inassutigineqarpoq apeqqutit taakkua akissuteqarfigineqarnissaannut kommunit saaffigineqassasut.

Inussiarnersumik inuulluaqqusillunga



Erik Jensen